

欽定石渠寶笈三編

欽定石渠寶笈三編

延春閣藏 十一

列朝名人書畫

宋郭熙長江萬里圖 一卷

宋郭熙雪山行旅圖 一軸

宋郭熙慶春圖 一軸

宋郭熙關山春雪圖 一軸

宋郭熙寒林圖 一軸

宋郭熙豐年瑞雪圖一軸

宋崔白畫枇杷孔雀一軸

宋勾龍爽山水一軸

宋歐陽修自書詩文稿一卷

宋歐陽修集古錄跋一卷

宋蔡襄自書詩一冊

宋蔡襄自書詩札一冊

宋蔡襄尺牘一卷

宋司馬光拜左僕射告身真蹟一卷

宋蘇軾墨蹟一卷

宋蘇軾自書詩一卷

宋蘇軾墨竹一軸

宋郭熙長江萬里圖 一卷

本幅絹本。縱九寸二分。橫五丈。水墨畫雲峯
烟樹。水市山城。曲港紛歧。危磯聳峙。風帆出
沒。蘆渚迷離。萬派朝宗。極瀨漸汪洋之勢。無
款印。

後幅題跋

萬里澄江一葉舟。披圖偏憶少年遊。落霞孤
鶩洪都晚。明月清風赤壁秋。有客吹簫尋故

墨無人擊楫。誓中流浪。洵不盡英雄恨。都把
興亡付白鷗。清江傳與礪題。鈐印一白石軒。

引首

長江萬里圖。款永樂龍集歲。在癸卯孟秋上
浣。蘭雪生書。鈐印五晚翠軒。口口精微鉢池
雲樵經史餘閒鄒氏圖書。

鑒藏寶璽


全五璽

寶笈三編

收傳印記。誠身有道。高氏理瞻琴書自樂墨。

池清興珍秘御書印半餘三印不可辨

謹案傳與礪名若金初字汝礪新喻人虞集
宋聚以異才薦除廣州文學教授見元詩選
小傳其鈐印下有高理瞻氏一印致明初有
陳安題高理瞻所藏小景圖詩則高亦元明
間人此印當入收傳印記以諸印屬傳屬高
今不能辨故照原本章連書之



宋郭熙雪山行旅圖 一軸

本幅絹本。縱四尺三寸七分。橫二尺一寸。設色畫濃雲著樹。一人乘騎度橋。從者負行囊。隨後無款印。

高宗純皇帝御題行書。

天娥快剪剪薄紉。瓊華一夜纈萬縷。臨風玉樹枝
簇攢。大地變作銀界觀。凍峽千尺白龍蟠。巖壁大
小皆珠丸。崦嵫截葉那可攀。剩有羊腸路。屈盤誰

歟。馬背凌兢寒。羸僕蹶跡尤堪憐。溪橋滑刺手足
攣。冷風吹揭墊角冠。名利子也何足歎。谷迴路轉
茆屋連。茆屋有客疑袁安。披卷笑傲忘朝餐。嚴威
栗烈不可干。河陽此法摹范寬。當前勞逸憑君看。
乾隆壬戌中秋御題。鈐寶三。惟精惟一。乾隆宸翰。
奉三無私。

軸內鈐


寶璽
乾隆御覽之寶

鑒藏寶璽

全五璽

寶笈三編

收傳印記都尉耿信公書畫之章



宋郭熙慶春圖 一軸

本幅絹本。縱三尺九寸。橫一尺八寸七分。設色畫梅花積雪。賓朋譙賞。有凭闌對語者。有倚檻吹簫者。有背負琵琶者。有途間拱揖者。有於階前燃爆竹者。款慶春圖。河陽郭熙。鈐印一漫漶。

玉池楷書

御製詩。

積玉滿溪澗。初韶樂事多樓臺。含皎潔。峯嶂倍
嵯峨。歡洽賓朋集。情聯婦子和年豐。欣預兆。白
雪譜新歌。

御製題郭熙慶春圖。丙寅新正月。臣戴衢亨奉
勅敬書。鈐印二。臣戴衢亨敬書。

鑒藏寶璽。全五璽寶笈三編。

宋郭熙關山春雪圖 一軸

本幅絹本縱五尺五寸五分橫一尺五寸九分水墨畫款熙寧壬子二月奉玉旨畫關山春雪之圖臣熙進無印

鑒藏寶璽

五璽全

寶笈三編

收傳印記二印不可辨



宋郭熙寒林圖 一軸

本幅絹本。縱四尺七寸七分。橫三尺一寸。水墨畫寒林蕭瑟中。古柏一株。蚪枝擎空。狀若偃蓋。無款印。

鑒藏寶璽

全五璽 寶笈三編

收傳印記。真賞。丹誠琴書堂。都尉耿信公書。畫之章珍秘。宜爾子孫公。信公珍賞。

[illegible]

宋郭熙豐年瑞雪圖

一軸

本幅絹本縱三尺七寸五分橫二尺三寸二分
淺設色畫峯巒積素湖岸挽舟邨市溪橋
往來行旅無款印

鑒藏寶璽

全五璽

寶笈三編

[illegible]

宋崔白畫枇杷孔雀 一軸


本幅絹本。縱五尺七寸五分。橫三尺四寸二分。設色畫雙孔雀。踣枇杷下。上有三小雀。翔集枝間。萱竹。雛花。掩映文石。無款印。

鑒藏寶璽

全五璽

寶笈三編

謹案崔白字子西。涇陽人。熙寧時。圖畫院藝學。見圖畫見聞志。



宋勾龍爽山水一軸

本幅絹本縱一尺二寸七分橫九寸二分淺
設色畫竹屋瀕江一帆風駛無款印題澄墨
成山行影如流湍此勾龍之筆無疑顏濱鈴
印二子京項叔子

左方標綾題跋

宋人畫不易得見余昔見司馬君實獨樂園
圖筆墨秀潤有如此者此幀絹素細密古趣

盎然為樵李項氏鑒藏。宜潛山深愛之也。乙巳十月。吳興陳焯鈐印。一陳焯。

舊題籤

宋勾龍爽山水一笑山房珍藏。

鑒藏寶璽

全五璽寶笈三編

收傳印記。項墨林祕玩。子孫世昌項篤壽印。
樵李項氏士家寶玩。口鼎一印漫漶。

宋歐陽修自書詩文稿 一卷

本幅紙本三接幅皆縱九寸五分通橫二尺

四分行書自唐末之亂士族亡其家譜今雖

顯族名家多失其世次譜學由是廢絕而唐

之遺遺字旁改族往往往往字旁改有藏其舊譜者時

得見之而譜皆皆字旁添無圖豈其亡之抑前世

簡而未備歟因採太史公史記史記二字旁改表鄭

元詩譜畧依其上下旁行作為譜圖上自高

祖下止元孫而別自為世使別字旁改二為世

者上承其祖為元孫下繫其口為高祖凡世

再別而九族之親備推而上下下字之則知

源流之所自旁行而列之而列之三則見子

孫之多少夫惟多與久其勢必分此物之常

理也故夫字下添凡元孫別而自為世者各

繫其子孫則上同其出祖而下別其親疎如

此則子孫雖多而不亂世傳傳字雖遠而無

窮此譜圖之法也無款鈴印一條 右歐陽

氏譜圖序彙 翰林平日接羣公文酒相歡

慰病翁白首歸田空有二字旁改約黃扉論道愧

無功攀髯路斷三山遠憂國心危百箭攻今

夜靜聽丹禁漏尚疑身在玉堂中夜宿中書

東閣原注攻字同韻否無款 右歐陽公嘉祐八年

冬末詩按昭陵以是年春晏駕十月復土時

厚陵再屬疾兩宮情意未通故有攀髯路斷

憂國心危之句云 子頊出閣奉口入內內

侍省取旨施行

按子頊以下十五字皆楷書其筆法不類歐陽修

右兩行元在歐陽公詩橐之陰殆中書所錄

旨揮蓋神宗以是年九月封淮陽郡王改賜

今名十二月乙亥出閣正當時事也淳熙乙

巳春必大謹記分鈐官印三 中書省印 按三

跋皆周必大書

後幅題跋

歐公真跡片紙。而本朝相君私題官印鄭重
如此。異代宜何如哉。後學張雨拜鈴印一張
雨私印。歐陽彥珍出示先文忠遺翰。益周
益公家藏也。片文隻字。照耀後世。高山景行。
庶其在茲。至元丁丑中秋。三衢鄭晟拜觀於
清漳郡治。鈴印二。光遠。三衢鄭晟光遠。嘗
讀瀧岡阡表。謂列其世譜。具刻於碑。惜乎不
獲見之。今乃觀公譜圖序。上自高祖下止。

元孫旁行側注如指諸掌。雖百世可推也。噫。自熙寧至於今。凡八傳矣。風雲變更。昔之公卿家。率顛覆債絕。譜牒漫不可考。視彥珍能寶藏無替。寧不有泚其額。敬書以歸之。四明後學袁瑾謹識。鈐印二。袁瑾私印。文清世家。歐陽文忠公功在朝廷。澤在民社。而文章翰墨。流布海內。霑溉學者。亦何待贊述。獨此卷經值喪亂以來。斯文蠹蝕之餘。子子孫孫。

能寶藏無數諸賢評論尤詳是可貴也杜本
書隸鈐印二杜本之印杜伯原氏 歐陽公瑾
迺文忠公八葉孫頗好學偶中吾家東廂之
選暇日獲拜觀先生譜圖序草及宿東閣詩
真灑詞翰德業照映千古傳之子孫永以為
寶仍至元丁丑建子月望金華後學王縉敬
識無印記 前世族譜皆無圖則譜圖自公
始東閣詩語義形憂國不與夸富貴者同科

此見前賢制作片辭隻字皆足以維持世教
而非後人所及三復遺文斂衽而歸之天台
林希光希元謹題無印記大德己亥間廬
陵歐陽文忠公之六世孫耐軒先生分教吾
郡之安福州任滿而余以學正缺甫就職甚
以不得事先生為恨而先生必謂吾之同僚
留為他日佳話斯文相知心期相許度越餘
子各有不能得之於言者間謂余曰吾是行

酬吾素願。可無憾矣。吾得拜觀瀧岡墓。拂拭
青州之石。摹墨本以歸。吾又得先公族譜序。
藁草真蹟。并合廬陵譜為一。此至寶也。然余
知此序藏於吾鄉好事者之家。本未易得。先
生誠心相與。不敢以情求。不敢以計取。懷不
能釋。一旦乃割愛捧納。先生得之喜出望外。
不啻連城之壁矣。時余亦嘗舉觴為慶。先生
歿後。為至順壬申。余來校文於江淞。秋闈而

先生之孫彥珍以省屬吏訪余於旅邸因問世次已喜先生之有孫袖出此卷驚喜再見如故人久別式慰我心遂陳其本末以告彥珍彥珍請書之故直敘其詳且示來者嗟乎先生精神風度宛然在目孰謂九京之不可作寒余後死得存世契見彥珍寶愛甚於前人則先生真不死矣握筆書罷撫卷泣然契生廬陵劉參道存書於錢唐鈐印三須谿劉

氏道存父壺中春意

詩曰豈無他人不如

我同姓則遇同姓異他人此天理之不可已者也蘇氏譜引曰無服則親盡親盡則情盡情盡則喜不慶憂不弔則塗人也勢也勢吾末如之何也烏虜推而遠之何其薄也文忠公譜圖曰上同其出祖而下別其親疎則子孫雖多而不亂世傳雖遠而無窮此圖譜之法美哉言乎古者服盡則敘昭穆猶合食於

宗子之家情未盡也。詩曰：凡民有喪，匍匐救之。而况同宗乎？豈有憂不弔也？如文忠公之法，則大小宗可推而知。服雖盡而昭穆不紊，凡在譜者皆宗人，非塗人也。理也。世俗誦蘇引甚習，而歐公譜圖讀之者鮮，無亦學縱橫者人好之，而畜道德扶世教當傳者反倦歟？誦譜圖序彙者可以知公之厚，味憂國心危之句者可以知公之忠。忠厚非二本，彥貞如

蘭玉秀堦庭尚勉旃哉延祐己未閏八月癸
亥豫章徐明善書 歐公譜圖最為詳整可
法而宿中書詩又特憂國之甚豈詳於家者
固自不苟於國耶賢哲所存此亦可見江寧
楊剛中謹書鈐印二漢清白吏子孫楊志行
氏 韓配孟 歐比韓豈以翰墨云乎此卷遺
跡凡三事而譜圖序東閣詩二橐特全睦親
憂國忠孝之意百世之下使人興起異於常

人之翰墨矣。後昆宜寶藏之。晚學鄭鎮孫拜
書鈐印三存存齋鎮孫鄭安國氏 文忠公
文章事業為一代宗師敦本之念尤所究心
今聞孫彥珍保公族譜序稟宿東閣詩真足
以儀刑百世其永寶之至正三年春三月廿
日白野泰不華題 六一公作詩本義又作
詩譜圖考訂極精它日倣是圖其譜系今大
夫士宏譜無能踰其法者宋仁宗在位歲久

而主堯虛公為從官力陳建儲之請英宗入繼而即違豫韓稚圭為相公參大政危疑之際韓公獲其助甚多既而神宗立其間彌縫公之力甚至公雖楊歷中外位至兩府生平唯以翰林為樂故中書東閣詩愛君憂國之意方切而末句又云猶疑身在玉堂中未嘗忘翰林也此帖周益公家舊物其用中書省印章宋世士大夫得用官印識私藏法元禁

也。至正六年九月十一日。元拜手書。鈐印二。
太史氏元圭齋書印。歐陽文忠公譜圖序。
作於至和二年乙未。後一百三十年。平園周。
文忠公得公所具檢橐一段。并嘉祐八年癸。
卯夜宿中書東閣詩八句。聯為一卷。詩陰有。
中書所錄裕陵出閣旨揮兩行。亦不棄去。而。
附見之。且各題其左。而識以中書省印者三。
卷首又識以益國之章。其慎重之意。可謂至。

矣。平園與公皆廬陵人。故平生所敬慕者於公。於疑於字尤切。文章政事。皆欲並之。非止寶其字畫而已也。其後奉常質行定名。特與公同謚文忠。可謂能遂其志者矣。然平園題此卷時。乃淳熙十二年乙巳。方秉政樞庭。至十四年丁未之二月。始登右揆。其借用中書之印。當在此時。蓋宋世雖得以官印識私藏。若非親蒞其官。則亦不敢僭用之也。若論其封

爵則自十五年戊申因明堂加恩初封濟國公十六年己酉正月進左揆再封許國三月拜少保又更封益國其封益國乃在題卷五年之後卷首之章必後來追而識之也今詩及譜圖序並見居士集十三卷與六十二卷中其文皆同唯詩改空作徒為稍異爾裕陵為光國公時名仲鍼及賜名頊乃加忠武節度使同平章事而封王矣其事正在公東閣

賦詩之年九月辛亥平園之題正與史合或
人不之察著為文辭強謂為十月者其誤多
矣。金華宋濂再拜謹記。鈐印二。太史氏。金華
宋氏景濂。

鑒藏寶笈

寶笈三編

謹將歐陽文忠集歐陽氏譜圖序其文上半
篇無更易下半篇文各不同一本與此文全
異一本自以其族奔於長沙至其行事則具
於譜五百五十字皆改易今此稿存篇末二
百十五字前缺五百二字。明宋景濂跋云三
卷首又識以益國之章。今卷首皆無之本已

殘缺或為人割截所致周必大子充一字
洪道其先鄭州管城人祖詵倖廬陵因家焉
必大紹興二十年進士歷官左丞相少保封
益國公贈太師謚文忠宋史有傳袁瑾鄧縣
人袁楠子見清容居士集杜本字伯原清江
人博學善屬文學者稱清碧先生元史有傳
徐明善號芳谷鄱陽人至元中任江西儒學
提舉有芳谷集楊剛中字志行上元人仕至
翰林待制元史附楊載傳宋濂字景濂浦江
人洪武九年授翰林承旨明史有傳

宋歐陽修集古錄跋一卷

〔本幅〕紙本四幅皆縱八寸五分通橫五尺二分楷書。右漢西嶽華山廟碑。文字尚完可讀。其述自漢以來云。高祖初興。改秦淫祀。太宗承循。各詔有司。其山川在諸侯者。以時祠之。孝武皇帝修封禪之禮。巡省五岳。立宮其下。宮曰集靈宮。殿曰存僊。殿門曰望僊。門仲宗之世。使者持節。歲一禱。而三祠。後不承前。至

於亡新。竊用邱虛孝武之元。事舉其中禮。從其省。但使二千石歲時往祠。自是以來百有餘年。所立碑石文字磨滅。延熹四年。宏農太守袁逢修廢起頓。易碑飾闕。會遷京兆尹。孫府君到。欽若嘉業。遵而成之。孫府君諱瑯。其大畧如此。其記漢祠四岳事。見本末。其集靈宮他書皆不見。惟見此碑。則余於集錄可謂廣見聞之益矣。治平元年閏月十六日書。

右漢楊君碑者其名字皆已磨滅惟其銘云
明明楊君其姓尚可見爾其官闕始卒則粗
可考云孝順皇帝西巡以掾史召見帝嘉其
忠臣之苗器其璵璠之質詔拜郎中遷常山
長史換健為府丞非其好也迺翻然輕舉宰
司累辟應於司徒州察茂才遷銅陽侯相金
城太守南蠻蠢迪王師出征拜車騎將軍從
事軍還策勲復以疾辭後拜議郎五官中郎

將沛相年五十六建寧元年五月癸丑遘疾而卒其終始頗可詳見而獨其名字泯滅為可惜也是故余嘗以謂君子之垂乎不朽者顧其道如何爾不託於事物而傳也顏子窮卧陋巷亦何施於事物耶而名光後世物莫堅於金石蓋有時而弊也治平元年閏五月廿八日書鈐印一修右陸文學傳題云自傳而曰名羽字鴻漸或云名鴻漸字羽未知

孰是。然則豈其自傳也。茶載前史。自魏晉以
來有之。而後世言茶者。必本鴻漸。蓋為茶著
書。自羽始也。至今俚俗賣茶肆中。多置一甕。
偶人云是陸鴻漸。至飲茶客。稀則以茶沃此
偶人。祝其利市。其以茶自名久矣。而此傳載
羽所著書頗多。云君臣契三卷。源解三十卷。
江表四姓譜十卷。南北人物志十卷。吳興歷
官記三卷。湖州刺史記一卷。茶經三卷。占夢

三卷。豈止茶經而已也。然他書皆不傳。獨茶經著於世爾。右平泉山居草木記。李德裕撰。余嘗讀鬼谷子書。見其馳說諸侯之國。常視其賢愚材性。剛柔緩急。而因其好惡。喜懼憂樂。而捭闔之。陽開陰閉。變化無窮。顧天下諸侯無不在其術中者。惟不見其所好者。不可得而說也。以此知君子宜慎其所好。泊然無欲。而禍福不能動。利害不能誘。此鬼谷之

術所不能為者也是聖賢之所難也

後幅題跋

右歐陽文忠公集古錄跋尾四崇寧五年仲
春重裝十五日德父題記時在鴻臚直舍

後十年於歸來堂再閱實政和丙

原本甲字
旁改丙字

申六月晦鈐印二趙明誠印章趙氏藏書之

印

戊戌仲冬廿六夜再觀

壬寅歲除日

於東萊郡宴堂重觀舊題不覺悵然時年四

十有三矣。芾多識前輩唯不識公。臨紙想其風采。丙戌八月旦。謹題無印記。歐陽文忠公集古所錄蓋千卷也。頃嘗見其曾孫當世家尚二百本。但跋尾及一二名公題字。其石刻謂離亂後逸之爾。今觀此四紙自趙德父來。則在崇寧間已散落也。不然豈其橐耶。以校文集所載多訛舛脫畧是當為正。而楊君碑文集則無。惟中宗作仲宗建武之元作。

孝武恐却乃筆誤也。然德父平生自編金石錄亦二千卷。又倍於文忠公。今復安在。公所謂君子之垂不朽。不託於事物而傳者。真知言哉。三復歎息。淳熙九年重五日。潁川韓元吉書。無印記。集古跋尾以真蹟校印本。有不同者。韓公論之詳矣。然平泉草木記跋後印本尚有六七十字。深謂文饒處富貴。招權利而好奇貪。得以取禍敗。語尤警切。足為世

戒且其文勢亦必至此。乃有歸宿又鬼谷之
術所不能為者之下。印本無也字。凡此疑皆
當以印本為正。云十二年四月既望朱熹記。
華山碑仲宗字。洪丞相隸釋辨之。乃石刻
本文。假借用字。非歐公筆誤也。無印記。按此條亦
朱子記此卷有米襄陽題。尤可寶玩。楊統碑
跋。歎其名之磨滅。蓋公獨未考。因統以建寧
元年三月癸丑卒。而跋以為三月。當由筆誤。

淳熙十五年季冬廿三日。錫山尤袤觀。邁
前此多見集古諸跋。已書於順伯所藏序錄
中。晦庵引隸釋所辨仲宗假借字是也。延之
以為此卷有米襄陽題。尤可寶玩。切以為未
然。以六一翁翰墨論議。其當寶翫。正不待米
老也。慶元二年十二月廿一日。洪邁書。無印
記。前輩謂宋為小三代。觀斯卷。令人起敬。
起慕。方從義拜識。鈐印一方。壺書印。此卷

歐陽文忠公集古錄跋尾四首漢西嶽華山
碑次漢楊公碑次平泉草木記次陸文學傳
皆公親書也。又有米南宮趙德父韓元吉朱
文公尤延之洪容齋諸公題識誠寶翫也。流
傳好事多矣。今歸秋官。秋官下三字而儼得拜觀。
不能釋手。謹識。永樂十年夏五月四日豫章
後學胡儼識。鈐印三。胡儼若思國子祭酒頤
憲。宋朝名儒鉅公多矣。而好古博雅無如

歐陽公焉。吾於集古一錄見之。昔司馬遷作史記。先儒以為博雅不足。至歐公修五代史。後世無得而議之。信非博雅之足不能也。雖然。前代金石遺文。向無此錄。歷年至今。其不泯滅者鮮矣。今也得公是錄。而永傳於世。蓋博雅之中。而又有忠厚之意寓焉。公沒之後。世之名儒。慕公為人。於公之遺文。又能存之。而不泯。即為善獲報之理也。然

原本四段跋
塗去

尾與印本同異及所言詳畧諸賢已論之矣。
茲不復贅。天順二年歲次戊寅秋七月望後
二日。後學南陽李賢書。鈐印三浣齋制外安
內濯舊來新。

引首

先賢遺跡。後學臨川吳興弼書於京口驛無
印記。

鑒藏寶璽

全五璽

寶笈三編

收傳印記方壺書印王厚之章黃石翁氏清

權河北崇村八重北海孫氏珍藏書畫印孫氏

三安定梁清標印蕉林蕉林梁氏書畫之印

蒼巖子蒼巖四重蕉林居士蕉林書屋冶溪漁

隱一重鄱陽口口臣阮元私印一重王氏二重合章

一重荆國平陽劉氏書畫一重餘印不可辨

謹案此卷四跋前賢考證已詳今以歐陽文忠公集校之西嶽華山廟碑跋其大畧如此句下無其記漢祠四嶽事見本末十字其集靈宮句作所謂集靈者則余於集錄句於字

作之可謂廣見聞之益矣。句作不為無益矣。餘三跋同。孫承澤曾收此卷入銷夏錄。趙明誠字德甫。密州諸城人。宰相挺之子。歷官知湖州府。軍州事。見直齋書錄解題。韓元吉字無咎。號南澗。許昌人。維四世孫。歷官吏部尚書。尤袤字延之。無錫人。紹興十八年進士。歷官禮部尚書。謚文簡。洪邁字景廬。皓季子。紹興十五年。中第。歷官端明殿學士。謚文敏。以上三人。宋史皆有傳。胡儼字若思。號願菴。南昌人。官國子祭酒。兼翰林侍講。考見續編。李賢字原德。鄧州人。宣德癸丑進士。歷官華蓋殿大學士。謚文達。吳與弼字子傳。臨川人。天順初。以薦徵至京。拜左春坊左諭德。辭不就。明史皆有傳。

宋蔡襄自書詩 一冊

本幅紙本。摺裝八幅。皆縱九寸七分。通橫六尺五寸六分。行書。口詩之三。皇祐二年十一月外除赴京

南劍州芋陽鋪見臘月桃花可笑天桃耐
雪風。山家牆外見疎紅。為君持酒一相向。生
意雖殊寂寞同。書戴處士屋壁長岡隆雄
來北邊。勢到舍下方迴旋。三世白士猶醉眠。
山翁作善天應憐。如彼發源今流泉。兒孫何

數鷹馬然。有起家者。出其間。願翁壽考無窮。

年。

題龍紀僧居室。

下有歐陽修評此一篇極有古人風格九字

山僧九十五。行是百年人。焚香猶夜起。煮酒

見天真。生平持戒定。老大有精神。

須字知

不變者。那減故時新。

題南劍州延平閣雙

溪會一流。新構橫鮮赭。浮居紫霄傍。卧影澄

川下。峽深風力豪。石峭湍聲瀉。古劍蟄神龍。

商帆來陣馬。晴光轉羣山。翠色著萬瓦。汀洲

生芳香。草樹自開冶。主郡黃士安。高文勇拔。
賈。顧我久疎悴。霜鬢漸盈把。臨津張廣筵。窮

畫傳清竿舞臺

盜改書作畫

驚浪翻歌扇。嬌雲惹

驩餘適晚霽。望外迷空野。曾是倦游人。意慮

亦蕭灑。自漁梁驛至。衢州大雪有懷大雪

壓空野。驅車猶遠行。乾坤初一色。晝夜忽通

明。有物皆遷白。無塵頓覺清。只看流水在。却

喜亂山平。逐絮飄飄起。投花點點輕。玉樓天

上出銀闕海中生。舞極搖溶態。聞餘浙瀝聲。

客爐何暇煖。官酤去未能醒薄吹飄飄字消

春凍。新暘破曉晴。更登分界嶺。南望不勝情。

福州寧越門外石橋看西山晚照寧越門

前路歸鞍駐石梁。西山氣色好。晚日正相當。

杭州臨平精巖寺西軒見芍藥兩枝追想

吉祥院賞花慨然有感書呈蘇才翁四月七日吉

祥亭下萬千枝。看盡將開欲落時。却是雙紅

有深意。故留春色綴人思。烘簾微照。自生
光。吹面輕風。與送香。誰把金刀。收絕艷。醉紅
深淺上釵梁。的的花名對酒尊。欄邊沉醉
月黃昏。今朝關外尋蘭惹。忽見孤芳欲斷魂。
崇德夜泊寄福建提刑章屯田思錢唐春
月竝游夙昔神都別。於今浙水遭。故情彌切
到佳月事追遨。太守才賢重。清明土俗豪。犀
珠來戍削鉦鼓去。啾嘈湖樹涵天濶。船旗冒

日高醉中春渺渺愁外自陶陶新曲尋聲倚

名花逐種褒吟亭披越岫夢枕覺胥濤論議

刀矛快心懷鐵石牢淹留超海角分散念霜

毛鱸鱠紅隨筋

吳子江

瀧波淥滿篙

嚴君往

試思

南北路燈暗雨蕭騷

嘉禾郡偶書盡道瑤

池瓊樹新仙源尋到不逢人陳王也作驚鴻

賦未必當時見洛神

無錫縣弔浮屠日開

輕瀾還故濤墜軫無遺音好在池邊竹猶存

虛直心往還二十年。每見唯清吟。覺往既自
如。世味隨浮沈。琅琅孤雲姿。悵望空山岑。豈
不悟至理。悲來難獨任。即惠山泉煮茶此
泉。何以珍。適與真茶遇。在物兩稱絕。於予獨
得趣。鮮香飭下雲。甘滑杯中露。當能變俗骨。
豈特湔塵慮。晝靜清風生。飄蕭入庭樹。中含
古人意。來者庶冥悟。本行近下小楷書識云
共計字八百八十四

無款印

後幅題跋

蔡狀元

書小楷

政和二年六月二十三日子

之子伸敬觀

端明蔡公詩臺云此一篇極

有古人風格者歐陽文忠公所題也二公齊

名一時其文章皆足以垂世傳後端明又以

翰墨擅天下片言寸簡落筆人爭藏之以為

寶玩况盈軸之多而兼有二公之手澤乎覽

之彌日不能釋手因書於其後政和丙申夏

四月癸未延平楊時書 君謨妙畫如此詩

詞稱之宜乎每為歐公所譽二公所謂陪奉
得著也張正民題 君謨字畫名世每自書

所作詩不惟意在揮染亦使後人得之便可
傳寶向來過目不啻十許卷也蔣璨 霍狀

元小楷書

東坡先生嘗以蔡公書為本朝第

一此公自書所為詩也纔三紙餘而真行草
法皆備歐陽文忠公嘗題其一篇云極有古

人風格。可為三絕矣。真予家之寶也。鈴印二

一作螭形

古歡

余舊得君謨所書詩十數幅

一卷於秦忠獻公家。今又復得此三紙。紙雖一同。而界行不接。故難續於其後。因書以識。

嘉定壬午歲除先五日。窠林老人向上若冰

甫。鈴印一。

窠林

蔡君謨書。深得魏晉之意。

深穩端潤。非近時。怒張筋脉。屈折生柴之態。

且其詩極有古人風致。誠為二絕。吳郡張天

兩題。鈐印一。貞居。端明蔡學士。書翰文藻。與歐陽公並驅聯璧。稱譽當世。歐公親題。是作。謂有古人風格。龜山先生道學先賢亦推獎之。信不誣也。去公今五百有餘歲。片楮在人間者無幾矣。以恒宗友。當寶惜之。林泉老生陳留張樞拜觀。鈐印二。林泉氏。張樞夢辰。華亭陳彥高。平生以好古自憙。年已八十。家無餘貲。而所藏蔡端明手書。自為詩及宋。

諸儒先題識凡一卷猶存。它日命其子以相
示。展玩再四。因念先哲身歿名傳者。有其實
也。握筆知愧矣。願為同志言之。後學奉化陳
朴敬書。楚紀善管公竹閒示余所藏宋學
士君謨詩累幅。學士自書其作。凡十有一首。
字畫清勁。誠一代之名筆。如華星秋月輝映太
虛。當時歐陽公龜山先生俱有品題。閱之誠
希世之寶也。夫自皇祐至今。流傳數百載。非

好古博雅之君子孰能知所寶乎。今觀學士所書殆不止此。惜其有缺口耳。竹間公寶而藏之。可謂好古博雅之君子矣。洪武九年正月庚寅。匡山山翁鈐印三。匡山雲林勤憲。山翁山房。昔者孔子讀詩至高山仰止。景行行止。曰詩之好仁如此。蓋高山景行人自不能不仰之行之耳。蔡公君謨文翰有名一代。此其自書所為詩。辭氣類陶彭澤。韋蘇州書。

法得晉人筆意。當時歐陽文忠已稱其極有
古人風格。龜山楊文靖公亦贊其左方。夫以
蔡公之才賢自足為二公所景仰。况二公文
章道德尤為古今所崇望。觀此卷者安得不
起高山景行之思。卷末題識尤多名士。余同
僚雲間管侯得之珍重特甚。非好仁之君子
惡能然。壬午冬十二月甲子。會稽胡粹中拜
觀敬書。鈐印二。粹中私印。蓬居子。

後副葉

乾隆五十五年歲在庚戌秋七月朔日觀於
吳中經訓堂丹徒王文治鈐印一王禹卿氏

鑒藏寶璽

全五璽

寶笈三編

收傳印記武岳王圖書

印重七半

賈似道圖書

子子孫孫永寶之賈似道印二重案林向水二重


管延枝印重二半似道悅生梁清標印一重蕉

林一重長蒼巖一重雲中二重棠邨審定蕉林玉立

氏圖書真賞餘印不可辨

謹案詞綜小傳云蔡仲字仲道莆田人襄之
孫宣和中官彭城倅歷官左中大夫萬姓統
譜云襄孫佃佃即襄孫矣獨冠以子號三蔡則
款題仲敬觀者即襄孫矣獨冠以子號三蔡則
字殊為瓶見豈以直題孫字似是孫姓故以
民雅之文代之耶楊時即龜山先生張正民
名表臣紹興中為司農丞有珮瑚鉤詩詒蔣
璫字宣卿宜與人歷官宏文閣待制致見續
編向土吳與人欽聖后族也周密奏辛離識
云七古水字今其印篆正作水密言可據又
土自署表字續編亦有之並作若水請書有
引其語者乃作若水蓋傳寫之誤張樞字夢
辰陳留人從華亭武勸之仕不底稱曰林泉
民見列朝詩集陳朴字子莊四明人元季寓

居吳之陽山見都穆鐵網珊瑚山翁吳勤號
勤字孟勤又號匡山樵者永新人洪武初為
武昌教授後改開封教授有山翁集江西通
志作由翁誤明粹中名由以字行山陰人歷
官楚府右長史見紹興府志跋中所稱秦忠
獻乃秦檜初謚後改醜繆陳彥高名世隆元
末人見四庫全書提要楚紀善管公名訥字
時敏華亭人洪武中官楚府紀善卷內尚有
蔡狀元霍狀元六小字不解何義以時代致
之殆是蔡蕤霍端友耳



宋蔡襄自書詩札 一冊

本幅紙本。摺裝八幅。一縱七寸八分。橫九寸五分。行楷書。丙午三月十二日晚。欲尋軒檻。倒清樽。江上烟雲向晚昏。須倩東風吹散雨。明朝却待入花園。十三日吉祥院探花花未全開。月未圓。看花待月思依然。明知花月無情物。若使多情更可憐。十五日山堂書。二縱八寸。橫一尺二寸。行書。裏啟中間承勞紆問。

適會疾未平殊不從容示書兩通知煩指幹
新第有未備且與鐫鑰却候別作一番併了
之四人園子只與門下每人一間園中地分
與四人分種要他栽種也不一裏奉書五日
三縱七寸一分橫五寸一分行楷書蒙恩水
林檎花多感天氣暄和體履佳安裏上公謹
太尉左右四縱八寸五分橫一尺三寸五分
行草書十一月廿八日裏頓首別已經年每

疎馳問。但極瞻跂之懷。人至承書。窺攬辭意。豈勝感著。夏閒邵事清閒。揔適神情。自有高趣。仰羨仰羨。郊燔甫近。天氣變寒。唯眠食愛攝。副此遠想。不具。裏再拜。知郡司門足下。五縱七寸三分。橫六寸六分。行書裏拜。今日扈從徑歸。風寒侵人。偃卧至晡。蒙惠新萌。珍感珍感。帶胯數日前見數條。殊不佳。候有好者。即馳去也。裏上公謹。太尉閣下。六縱七尺五。

分橫一尺行草書。襄啟去德於今。蓋已泮歲。
京居鮮暇。無因致書。第增馳系州校。遠來特
承手牘。兼貽楮幅。感戢之極。海濱多暑。秋氣
未清。君侯動靖。若何。眠食自重。以慰遐想。使
還專此為謝。不具。襄頓首。知郡中舍。足下九
謹空
月八日。七縱九寸四分。橫一尺三寸六分。草
書。裏啟。入春以來。屬少人便。不得馳書上問。
唯深瞻想。日來氣候陰晴不齊。計安適否。貴

屬亦平寧。襄舉家都安。去冬大寒。出入感冒。
口勞。百病交攻。難可支持。雖入大字。力求丐
祠。今又蒙恩。復供舊職。恐知專以為信。前者
銅雀臺瓦研。十三兄欲得之。可望寄與旦夕。
別尋端石奉送也。正月十八日。口公綽仁弟
足下。公縱八寸七分。橫五寸。楷書。襄顓詣門。
屏陳謝。推官呂君。九月日。襄上謁。

後幅題跋

蔡公書法真。有六朝唐人風。粹然如琅。琅字

玉。米老雖追蹤晉人。絕軌其氣象。怒張如子

路。未見夫子時。難與比倫也。辛亥三月九日

倪瓚題。洪武己未四月。雲間袁凱觀於蕭

溪。在宋號善書者。蘇黃米蔡為首。俗評以

君謨居三公之末。殊不知君謨用筆。有前代

意。優劣自可判也。己未四月。陳文東拜觀。鈐

印。一陳文東印。後學陳迪觀。

鑒藏寶璽

全五璽

寶笈三編

收傳印記

古香書屋

項

二半印

項篤

三半印

朝鮮

人安岐之印

安儀周家珍藏

五重心賞

五重李

印半

耐軒寓意

安二重儀

周鑑賞

三吳炳

王延世

印

吳惇寬秉仲審定收藏

劉延

口印

居鼎

曹溶

之印項篤壽印

二重

張鏐圖書

印半

思原堂

麓邨

就李寶墨齋記

无恙

一左

真賞

華夏

華陽印半

又半印二不可辨

謹案袁凱字景文號海史華亭人洪武中官
御史致見續編陳文東名壁又號谷陽生華
亭人洪武中以秀才任解州判官見華亭志
陳迪字景道宣城人洪武中由薦舉授寧國
學訓導累官禮部尚書靖難師入被執不屈
死崇禎時追謚忠烈明史有傳

宋蔡襄尺牘 一卷

本幅紙本。縱七寸五分。橫一尺六寸三分。行

書。裏連日山中從容至

下殘闕數字

所無也。遽別

益用懷企。是晚亦復下山。方念走訊而專帖

已墜前矣。河豚甚富。甚鮮。甚鮮。與諸人大嚼。

無不贊美。市賈甚窮。為帑人費。為有媿耳香

餅。已巴脯。方糖霜餅。範皆遣去。幸視至。宰座

處極荷重言。亦已從郡中投詞以應之矣。見

雖頓有隨即無之苦。於庵中固嘗言之矣。大
儒欠通世務。未易救療。為可惜耳。一事目屬
心至。達其中無曲折云。襄上一哥制幹。

後幅題跋

至正十五年九月己未。同彭君仲曹叔雅。曹
雲西過雲軒精舍。觀唐本蘭亭。坐間晉代劉
季美出蔡忠惠公一札。其用筆妙於起倒。得
楊少師李西臺筆法。余往往見其尺牘。甚浩

放多隨意曲折意到筆不到乃覺少進意之
所到輒能用筆然比之古人入則重規疊矩
出則奔軼絕塵安能得其髣髴耶此書今日
之藏亦足以廣聞見備討尋不可廢也奇峯
老人八十二翁翟秩書 余嘗見蔡忠惠安
樂扶護二帖於王元美先生家又見九帖於
項庶常家皆有二王神檢獨此卷小牘兼帶
顏平原爭坐位楊少師韭花奇峭遺意蓋忠

惠之出奇無窮如此。元常每點多異，逸少萬字不同，非虛語也。陳繼儒題鈐印二眉公一腐儒。有宋以擅書名家者，四忠惠公秉八法為最嚴。此似行軍之正。若偏奇處，始見孫吳神畧。蘭亭創草，所以妙壓羣帖。皆用時不知。知時不能用者也。形容品第已盡。三跋當余與仲淳老友復展斯卷於中甫池亭之上。披涼風而淪洞岬。尤憶君謨茶譜獨開千古。

鴻蒙安得霜毫下無奪化工之先者良孺寶
之為不誤矣雲間康時萬識鈐印二孟修青
蘿隱人蔡忠惠公書書家以為宋朝第一
然得心應手不落筆墨蹊逕未有如此帖者
寶之寶之延陵王肯堂鈐印一王肯堂印

前隔水題跋

蔡忠惠公書以學楊凝式者為勝於學顏蓋
蔡書多守定法學景德者乃不定法此卷其

衆尤之尤也。董其昌為昭彥世兄題鈐印二
大宗伯章。董其昌印。

後隔水題跋

蔡君謨書。嘗見其仰則右軍而此札全得顏
魯公之法。所謂折釵股屋漏水。任運錯出。似
非真窺晉庭唐室者。未足與相賞也。歲庚戌
九月。舟次金壇。楚川之上。王良孺出此卷索
跋。因記叔宗鈐印一周。叔宗印。

卷內分鈐

高宗純皇帝寶璽乾隆御覽之寶樂壽堂鑑藏寶乾

隆鑑賞

鑒藏寶璽

全五璽寶笈三編

收傳印記大雅趙氏子昂子子孫孫承之口

口于鑒之印月儀閣顧氏家藏

謹案書畫彙考載此蹟尚有新班賢甥承奉
不別簡前日謝遇訪未須行答十數字此卷
無周叔宗初名祉以字行工書法見李日華
性致齋集康熙時萬字孟修號郎山晚號了子

居士華亭人隱居不仕見雲間志畧王肯堂
字字泰金壇人官福建泰政致見續編

宋司馬光拜左僕射告身真蹟一卷

本幅綾本十六段皆縱八寸五分通橫一丈八尺五寸七分行楷書門下帥羣臣宿道而口方在慎取相佐王者修政而美國莫若求人顧惟眇躬獲嗣大統儲思業業不敢忘六聖之休注意賢賢將以摠萬方之治褒進上宰敷告外廷正議大夫守門下侍郎上柱國河內郡開國公食邑三千四百戶食實封壹

阡貳百戶司馬光受材高明履道醇固智足以任天下之重學足以知先王之言逮事厚陵編儀侍從之列被遇大考擢摠樞機之繁有大臣特立之風蹈君子難進之節方予訪落之始起應秉鈞之求調娛萬機必先教化之意辨察百職不失禮義之中是用諮諏僉言褒加異數越升左相之路兼峻東臺之班申衍爰田陪敦真食於戲上寅亮於天心則

陰陽風雨以之順。下遂字乎物理。則山川草木以之寧。內阜安於兆民。外鎮撫於四裔。蓋輔相者為之基。杖而老成者重於典刑。勉行所聞。以底極治。可特授依前正議大夫。守尚書左僕射兼門下侍郎。加食邑七百戶。食實封叁百戶。餘如故。主者施行。二日。本行連鈐印四。文曰尚書吏部主事之印。侍中。尚書左僕射兼門下侍郎。臣光未謝。尚

書左丞權門下侍郎臣公著

以上三行俱小楷書

制

可一行大

給事中臣純仁

以上六字小楷書

等言

制書如右請奉制付外施行謹言

元祐元

年閏二月日本行連鈐印四文同前閏二

月初四日卯時都事時忱受左司郎中林

希付尚書令闕尚書左僕射光未謝

尚書右僕射續尚書左丞公著尚書右

丞清臣吏部尚書大防吏部侍郎常以上

九行官銜俱小楷
書人名字體稍大

告正議大夫守尚書左

僕射兼門下侍郎上柱國河內郡開國公食

邑四千一百戶食實封一千五百戶司馬光

奉被制書如右符到奉行右共八行縱橫連

鈐印五十有五文同前司封郎中權述

主事賈大年令史魏宗式書令史口上以

三行俱小楷
書述字畧大元祐元年閏二月日下本行

連鈐印四文同前

前幅畫司馬光像紗帽緋袍搢笏無款印

鑒藏寶圖

全五

寶笈三編

收傳印記
治南何氏瑞室圖書

宋蘇軾墨蹟 一卷

本幅紙本。皆縱八寸五分。橫五尺九寸。行書。
天際烏雲含雨重。樓前紅日照山明。嵩陽居士
今何在。青眼看人萬里情。此蔡君謨夢中
詩也。僕在錢塘。一日謁陳述古。邀余飲堂前
小閣中。壁上小書一絕。君謨真迹也。約綽新
嬌生眼底。侵尋舊事上眉尖。問君別後愁多
少。得似春潮夜夜添。又有人云。長垂玉筍。

殘粧臉肯為金釵露指。爲萬斛閒愁何日盡。
一分真態更難添。二詩皆可觀。後詩不知誰
作也。杭州營籍周韶多蓄奇茗。常與君謨
鬪勝之。韶又知作詩。子容過杭。述古飲之。韶
泣求落籍。子容曰。可作一絕。韶援筆立成曰。
隴上巢空歲月驚。忍看回首自梳翎。開籠若
放雪衣女。長念觀音般若經。韶時有服衣白。
一坐嗟嘆。遂落籍。同輩輩字旁改皆有詩送之。二

人者最善。胡楚云：澹粧輕素，鶴翎紅移入朱欄，便不同。應笑西園舊桃李，強勻顏色待東風。龍靚云：桃花流水本無塵，一落人間幾度春。解佩贗酬交甫意，濯纓還作武陵人。固知杭人多惠也。無款印。

後幅題跋

祇今誰是錢塘守。頗解湖中宿。畫船曉起鬪茶龍井上。花開陌上，載嬋娟。
白樂天蔡君謨
陳述古蘇子瞻

皆杭守也。老却眉山長帽翁。茶烟輕颺鬢絲風。錦

囊舊賜龍團在。誰為分泉落月中。三生石上
舊精魂。解后相逢莫重論。縱有繡囊留別恨。
已無明鏡著啼痕。能言學得妙蓮華。贏得春
風對客誇。乞食衲衣渾未老。為題靈塔向金
沙。丹邱柯敬仲。多蓄魏晉法書。至宋人書。殆
百十函。隨以與人弗留也。它日獨見此軸在
几格間。甚怪之。及取觀。則吾坡翁書。蔡君謨

夢中詩及守居閣中舊題也第三詩以為不知何人作其軒轅彌明之流歟陳太守放營妓三詩亦辱翁翰墨傳流至今信亦有緣耶卷後多佳紙敬仲求集作詩識其後賦此四首是日試郭玘墨但目疾轉深不復能作字又不知年歲後雖若此者亦尚能作否臨楮慨然至順辛未二月望日蜀人虞集書鈴印

二虞雍公世家天藻亭

山中覆鹿拾蕉葉

眼底生花二月明。不道人生俱夢裏。新詩猶
話夢中情。綠窻度曲初含笑。銀甲彈箏不露
尖。人生莫待頭如雪。華屋屋字旁添春宵酒屢添。
雲中初下勢如驚。白鳳踟躕雪色翎。多少舊
游歌舞地。不堪回首又重經。桃花扇底露唇
紅。不復梳粧與衆同。一曲山香春去也。荼蘼
無語謝東風。一顆摩尼不染塵。瑤池元圃度
千春。寥陽殿裏雲深處。誰是當時解珮人。三

月旌旗幸玉泉牙檣錦纜

幸字衍御龍船

千官車騎如雲湧楊柳枝

枝字衍梢頭月色

娟長憶眉菴鶴髮翁舊時阿閣贊皇風如今

流落邙可

可字誤

堪說黼黻文章似夢中鼓

瑟湘靈欲斷魂洞庭風浪不堪論遙知舊賜

宮袍錦囊袖龍鍾摠淚痕興聖宮中坐落花

詩成應制每相誇廬山面目秋來好自杖青

藜步白沙此卷天厯間得之都下予愛坡翁

所書之事俊拔而清麗令人持玩不能釋手
故侍書學士虞公見而題之予攜歸江南會
荆谿王子明同予所好攜之而去他日再閱
於環慶堂俯仰今昔為之慨然因走筆盡和
卷中之詩以舒其悵鬱之氣旁觀者子明之
兄德齋淮南潘純金壇張經長安莫浩至正
三年夏五月丹邱柯九思書鈐印一柯氏敬
仲日將公事湖中了醉入重城列炬明自

古大藩財賦地。古人偏得賦閒情。謝女嬌吟
雪比鹽。北臺馬耳見雙尖。衲衣政索歌姬笑。
不道春寒繡被添。寫韻軒中塵不驚。與誰同
躡鳳皇翎。采鸞可惜情緣重。祇合清齋寫道
經。釵頭新綠荔支紅。那與江珧色味同。聞道
端明新進譜。一時殿閣起薰風。香辟春寒玉
辟塵。流蘇斗帳醉和春。一雙明月都無價。寂
寞人間第二人。江南在處烟波好。浪迹先生

不上船。近就闔閭城外宿。可憐霜月夜。娟娟
青城樵者一衰翁。寫罷烏絲滿袖風。消得玉
堂金研匣。至今傳入畫圖中。聽碾龍團怯醉
魂。分茶故事待誰論。纖纖玉腕親曾見。祇有
春衫舊酒痕。白公種竹蘇公柳。譚笑功名後
世誇。依舊葑雲三萬丈。斷橋誰與築隄沙。奉
同柯丹邱前後用韻。凡九章。言無倫次。且有
廣平媚語之罪。信識法者懼也。癸未冬十一

月九日。吳郡張雨為子明王君寫鈐印二張。
兩私印。句曲外史。盈盈秋水。眼波明。脈脈
遠山螺翠橫。西北風帆江路永。片雲不度。若
為情。雨挾江潮來浦口。霜凋木葉見山尖。寒
波曾照飛鴻影。髭雪朝朝與恨添。風雨翻江
夢裏驚。忽思風馭絳霄翎。世間安得麻姑爪。
癢處爬搔憶蔡經。湖邊窻戶倚青紅。此日應
非舊日同。太守與賓行樂地。斷碑荒蘚卧秋

風。奎章閣下掌絲綸。清淺蓬萊又幾春。三十
六宮秋寂寂。金盤零露泣仙人。戊申十月十
七日。璣。蔡公閨嶠雙龍壁。蘇子儋州萬里船。
未若旁似歸田虞閣老。醉吟清浦月娟娟。嗜
酒狂吟禿髮翁。華陽壇館百花風。晚年傳得
登真訣。歸卧南山礪谷中。十九日又追和虞
奎章韻。東閣小書詩夢破。後堂殘醉燭花
明。春風客散茶香在。寂寞人間萬古情。紅人

兩顰春意滿。翠籠雙袖。晚寒共。雖知別後情。
難減也。覺愁中醉易添。彩筆詩成。舉坐驚素。
衣新剪。鵲毛翎。多生應是蓮花女。留得銀箏。
金字經。透海丹砂。一粟紅。前身應與後身同。
就中只換神仙骨。塵業何由到。素風滄海桑
田。復幾塵。東風惟見落花春。須知剌水殘山。
外冰雪肌膚。別有人。蜀人文采相先後。多在
西湖載酒船。腸斷至今湖上柳。空殘眉翠簇。

連娟三百年來此兩翁。詩人情性道人風。醉
中還似昆耶老。花雨紛紛一笑中。梅花香冷
返冰魂。往事茫茫迹未論。寶釵已隨龍化去。
誰憐水上刻舟痕。賦罷仙人鄂綠華。金聲玉
色衆中誇。歸來世上空塵土。雲白江清月滿
沙。洪武十四年歲在辛酉。秋九月朔。義興馬
治。隴廩濃似烏雲積。玉版光爭白雪明。七
百年餘數行字。只今如見古人情。茗甌細酌

團龍乳。詩卷輕揮紫兔尖。看到疏櫺纖月落。

不知清漏暗中添。歲月流波劇可驚。人雕青。

鸛鶴雕翎。眉山老去方皈佛。手寫楞伽四卷。

經聽雨。高樓

秋帆都門舊寓

萬燭紅。金樽日日故人

同。滄江此夕眠漁艇。獨領黃州擘岸風。卅載

牙旗不動塵。華顛移鎮楚江春。庾樓吟嘯多

僚佐。誰識看花第一人。廿年慣借錢塘住也。

向西湖夜放船。湖月不知詩老散。畫欄猶送

影娟娟。香花歲歲祀髯翁。秦塞商墟遍采風。

秋楓撫陝時得坡翁畫像每翁生日必懸像祀之海內名士游關洛者皆與會各紀以詩

酬得驪珠三百顆。卷中三百零六字仙靈知尚在人

中。鷺鷥燕燕古芳魂。放鵲重將公案論。坡詩去年

柳絮飛時節記得金籠放雪衣竊謂正指此事而自注乃云杭人以放鵲為太守壽殆故

謬其說以避不知者詬病耶。今日秋風猶有淚。當時春夢

已無痕。天華何必異空華。著袂從將紺唾誇。

肯信浮雲隨變滅。未妨游戲算河沙。此卷須

為同年秋帆尚書所獲。治游江夏得觀於制
署之澹寧軒中。借歸臨做數過。並綴以詩。時
治親家陳望之。維藩茲土。亦共觀焉。尚書與
方伯皆海內大鑒家。今會於一處。公事之暇。
出法書名畫相與評跋之。洵一時盛事。而治
以樗散餘年。猶得躬親其盛。不勝私幸云。乾
隆庚戌花朝後二日。丹徒王文治鈴印。二王
氏禹卿夢樓。滄江舫上虹仍貫。甌社湖中。

月又明。翰墨有緣。誠得所。十年懷想夢中情。

此帖曾見於京師已十年矣

當是枯腸醒酒後。更無芒角。

倚雲尖。一分我欲量肥瘦。可許東鄰宋玉添。

鄂渚仙樓夜氣驚。千年黃鶴尚修翎。故應楚

頌來同度。勝檢山陰道士經。新翻眉暈臉消

紅。鶴氅相看客意同。羨煞西湖賢太守。畫橈

鼙鼓醉東風。堂前小閣已成塵。數首詩留未

了春柳色。六橋遺愛在。固應多慧是杭人。甲

寅歲四月廿日。謁秋帆前輩於武昌。承以楚
頌帖及此帖見示。且許攜歸舟中。展翫彌日。
因和帖中詩五首。應命即正。湖口周厚轅載
軒並識。鈐印二厚轅載軒。

鑒藏寶璽

全五璽

寶笈三編

收傳印記。蒼巖子。蕉林鑒定。宮保世家。一重天
籟閣。二重陳氏。半子孫世昌之印。半鑒定法書
之印。快雪堂。項元汴印。五重墨林秘玩。一重項子

京家珍藏

三重

項墨林鑑賞章

四重

鑒賞口珍神

品馮銓字伯衡書畫印記馮氏鹿菴珍藏圖

籍印寄教

一重

陳氏

一重

墨林山人

三重

項墨林父

秘笈之印

一重

退密

二重

平生真賞

一重

蕉林居士

檇李項氏士家寶玩

一重

巖隱圖書馮銓私印

鹿菴居士

德新

印半

李君實鑒定

柯九思印

印墨

河北棠邨

二重

安定神游

印半

冶溪漁隱項叔子

印

一重墨林子

子京

子孫永保

一重

梁清標印

蕉林

祕玩觀其大畧蕉林收藏

謹案潘純字子素合肥人晚居淮拆見元詩
選小傳張經字德常金壇人仕張氏應官松
江府判官見四朝詩姓名攷馬治字孝常宜
興人初為沙門洪武時官建昌知府攷見續
編

[illegible]

宋蘇軾自書詩一卷

本幅紙本四幅皆縱八寸通橫四尺七十二
分行書。蠅眼已過魚眼生。颼颼欲作殘二字松
風鳴。蒙茸出磨細珠落。旋轉繞甌飛。雪輕銀
餅瀉。湯誇第二未識古人煎水意。君不見晉
時李生好客手自煎。貴從活火發新泉。又不
見今時潞公煎茶學西蜀。定州花甕琢紅玉。
我今貧病長苦飢。分無玉盃捧蛾眉。且學公

家作茗飲。執鑪石挑。

挑應作鉤

長相隨。不願撐腸。

拄腹文字五千卷。但願一甌長及睡。足日高。

時煎茶。

大絃春溫和。且平小絃廉折亮。以。

清平生未識宮與角。但聞牛鳴盎中雉登木。

門前剝啄誰扣門。山僧未闌君莫嗔。歸家且。

覓千斛水。淨洗人間箏笛耳。聽賢師定慧琴。

云何見祖師。為識本來面。亭亭塔中人。問。

我何所見。可憐明上人。萬法了一電。飲水能。

自知指月無復眩。我本修行人。三世積精練。
中間一念錯。受此百年譴。捫衣禮真相。感動
淚雨霰。借師銚錫泉。洗我綺語研。過南華寺。
我欲乘輕舟。東訪赤松子。蓬萊不可到。弱
水三萬里。不如金山去。清風半帆耳。中有妙
高臺。雲峰自孤起。仰觀初無路。誰信平如砥。
臺中老比丘。碧眼照窻几。巉巉玉為骨。凜凜
霜入齒。機鋒不可觸。千偈如翻水。何須尋德

雲。即此比邱是。長生未暇學。請學長不死妙。
高臺。子瞻無印記。

後幅題跋

煮茗聽琴。而神遊於南華妙高臺之上。真蓬萊瀛洲方丈謫仙人也。就藝龍麝。作嬰香供。已時夜將半。月出房心間。風露浩然。曲肱就睡。夢與先生遇。且賜予義樽二。義墨一。鼠鬚筆三。雪蠟紙三十六。曰。汝往哉。後二年五月。

當喚汝于集英龍池。汝勿怖。東嘉石樓後學。

徐龍友善大識。

丈天祥陳丈龍伏觀至再。

謹書。

篆書

戊辰三月初七日。蒙二先生留名鈴。

鼎印一。東海石樓。

此卷二百餘年流傳之。

自其詳已載張果老卷中。

按此亦陳懋欽亮龍友跋

俞鄭文實仲登同三山林天覺彥珍拜觀于。

午冬至日謹誌。

東海宗斗以南宗魯以禮。

宗文以道。宗裕以仁。同觀於跳珠軒。怡怡如。

也。立春後一□□謹誌鈴印一漫漶。熙寧
五年壬子。先生在杭。八月監試進士試院煎
茶。七年甲寅。先生同於潛毛令方尉遊西菩
提。聽賢師琴。元豐八年乙丑七月。自常赴登
題金山妙高臺。紹聖元年甲戌冬十月抵惠
過南華寺。合四詩而觀相去二十三年事。何
緣一時並作並疑在紙上山谷云。東坡極不惜
書。遇紙無精粗。書遍乃已。坡亦自言。春蚓秋

蛇隨意畫。往往一時隨意隨寫。又安知好事者寶藏。傳為美觀哉。雖然此紙既錄。題南華詩。却是過海後書。有風濤洶湧之氣。鈐印一龍友。蘇文忠公文章字畫妙天下。點墨落人間。例能裹去為榮。僕遊京師卅年。乃獨未之見。茲非恨與。甲戌暮春於蜀人王君見公惠州帖二。越翼日。又得見公四詩於石樓君家。惠帖乃信筆書。詩乃公作意書也。流麗婀娜。

娜之態皆具。顧思壯歲誦公之文。景慕公平
生大節。願為執鞭。豎而不可得。一旦獲覩翰
墨遺芳於二百載之下。世所謂洞心駭目之
貌。有踰是耶。始知連城白壁。未足為寶。後學
耦耕子王夢高。敬附賤姓名於下方。鈴印三
王夢高印。蘭亭之裔。彌卿。坡仙所作煎茶
聽琴二歌。南華寺妙高臺二古選。中間大有
悟境。非刻舟人所能識也。南華詩最後作考

其書。是海外雞毛筆所揮染。故多纖鋒大抵。能以有意成風格。以無意取姿態。或離或合。乍少乍老。真所謂不擇紙筆。皆能如意者也。人云。公書自李北海。此書獨得之。汝南公主誌枯樹賦。余見公墨妙多矣。未有逾於此者。敬美自燕歸。出示余。漫題其後。俟長夏無事。當盡取四詩和之。庚辰四月。王世貞謹題。鈐印二。五湖長王世貞印。跋之後。五日偶興。

到遂和此四詩。中間為韻所苦。幸不落爽。敬
美謂何洪都鶴嶺太龕生。北苑鳳園先一鳴。
虎邱晚出穀雨候。百闕百品皆為輕慧水。不
肯甘第二。擬借春芽冠春意。陸郎為我手自
煎。松麈寫出真珠泉。君不見蒙頂空勞薦巴
蜀。定紅輸却宣菱玉。種根麥粉充調餓。碧紗
捧出雙蛾眉。搗箏炙管且未要。隱囊筠榻須
相隨。最宜纖指就一吸。半醉倦讀離騷時。
右和

煎茶輕澍濯月秋江平勞師五指譜雙清飛

霜片片墮徵角不辭身作爨下木朱顏詎可

依朱門武陵博得安道嗔道人胸中淨於水

從此潮音難入耳

右和聽
師琴韻

身自祖戒來未

識祖戒面偶然賴拈出一見不再見紫馬白

玉堂所得等露電鯨海人鮪灘厥藥始瞑眩

悔不先師禪蕩蕩一白練濡首六欲塵驚心

九重譴云胡嶺外歸綺語紛如霰但使能亦

空何煩焚筆硯

右和南華寺

佛印老禿翁片言柱

蘇子禪房咫尺間忽擲千萬里不解絃中調

如風過牛耳却望妙高臺嵯峨挿天起俊鵬

摩空沒江平四如砥意氣稍得舒歸來對隱

几卷我廣長舌避汝

原本我字旁改汝字

堅利齒初若

錘遇錘契則針投水欲識蘇子誰長爪梵志

是不向無智生寧向有智死

右和高臺

妙世貞再

題鈴印二元美弇州山人

長公嘗云樂天

事事可及。唯風流一事不可及也。公意蓋以
自況耳。余生平所畜長公書不少。所見尤多。
風流灑落。未見有如此卷者。其詩即談禪。亦
自有一種不羈超拔。有二狀元篆書。忠義峰
嶸尤足為四詩增氣。余兄元美盡和其詩字
即退舍。詩品當自有定價也。余總名此卷曰
人豪萬厯丁亥春正月。吳郡王世懋題於印
二。王敬美氏損齋道人。

舊題籤

蘇文忠公四詩真蹟神品西陂秘寶

鑒藏寶璽


全五璽

寶笈三編

收傳印記靜觀齋靜觀齋珍賞圖書印記龍
友溫之東海龍友清河印記友鄉國天下士
曰善士商邱宋犖審定真跡黃廬字繡丞一
曰素庵瑯琊王敬美氏收藏圖書古歛汪家
珍璧人氏鑒定琳琅館司口江口鈐印不可

韓

謹案文文山陳志忠二人題款據石樓所記
乃戊辰三月當是宋度宗四年又十二年而
宋亡陳懋欽等誌在壬午以後則已入元初
矣自王夢高以上殆皆宋元之際人今並無
攷陳文龍字志忠一字君賁即戊辰歲進士
第一歷官叅知政事宋亡被執至杭州不食
死與文山事蹟相同王敦美跋中所謂二狀
元忠義崢嶸者也



宋蘇軾墨竹 一軸

本幅紙本。縱一尺二寸五分。橫一尺九寸七分。墨畫竹。款元豐四年冬。東坡居士無印。

舊題籤

東坡居士墨竹。晴嵐敬舊之物。曾歸於興文恪所。借觀累日。不知何以流轉書肆中。為禪堂得之。幸甚。幸甚。己亥首春。錢載題。

鑒藏寶璽

全五璽 寶笈三編

收傳印記王百谷氏清森閣書畫印書
祕四明□氏收藏圖書記繼軒張晴嵐
心常依於古人九堯王元美印須溪劉氏